

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
V L A D A**

NACRT

Z A K O N

**O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI
CIVILNIH ŽRTAVA RATA I ZAŠTITI PORODICE SA DJECOM**

Tuzla, april 2015. godine

Na osnovu člana 24. stav 1. tačke c) Ustava Tuzlanskog kantona („Službene novine Tuzlansko-podrinjskog kantona“, broj: 7/97 i 3/99 i Službene novine Tuzlanskog kantona, broj: 13/99,10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici od _____ 2015. godine, donosi

Z A K O N

O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom – prečišćeni tekst („Službene novine Tuzlanskog kantona“, broj: 5/12 i 7/14),učlanu 6. stav 3. se mijenja i glasi:

"Izuzetno od stava 2. ovog člana, povratnicima iz Kantona koji su se vratili u prijeratna prebivališta na područje Republike Srpske i Brčko Distrikta omogućava se nastavak korištenja prava na socijalnu zaštitu, zaštitu civilnih žrtava rata i zaštitu porodice sa djecom u skladu sa Federalnim zakonom i ovim zakonom“.

Član 2.

U članu 12. iza stava 1. dodaje se novi stav 2. koji glasi:

„Pravo na stalnu novčanu pomoć ne ostvaruje lice ukoliko je smješteno u drugu porodicu ili ustanovu socijalne zaštite, na teret sredstava kantonalnog budžeta“.

Član 3.

U članu 15. stav 1. iza tačke 6. dodaju se nove tačke 7. i 8. koje glase:

- "7. Materijalna naknada za vrijeme nezaposlenosti.
- 8. Naknada po osnovu alimentacije".

Stav 4. mijenja se i glasi:

"Prihodom u smislu stava 1. ovog člana ne smatra se lična invalidnina, novčana naknada za pomoć i njegu od strane drugog lica, ortopedski dodatak, stalna novčana pomoć, dodatak na djecu i stipendije učenika i studenata".

Član 4.

U članu 16. stav 2. riječ: „mu“ zamjenjuje se rječju: „njegovi“.

Iza stava 2. dodaje se novi stav 3. koji glasi:

„Ukoliko se radi o srodnicima koji su zbog starosti nesposobni za samostalan rad i privređivanje ili imaju utvrđen gubitak radne sposobnosti od strane Instituta za medicinsko vještačenje zdravstvenog stanja, smatra se da nisu u mogućnosti učestvovati u izdržavanju ukoliko im prihodi po članu domaćinstva ne prelaze 60% prosječne plaće“.

Član 5.

U članu 24. stav 1. iza riječi: „pomoći“ dodaju se riječi: „i članova uže porodice“.

Iza stava 1. dodaje se novi stav 2. koji glasi:

„Pod članovima uže porodice, u smislu ovog zakona, podrazumjevaju se bračni drug, djeca i usvojenici“.

Dosadašnji stav 2. postaje stav 3.

Član 6.

Član 26. mijenja se i glasi:

„Osoba koja se, radi osposobljavanja za život i rad, upućuje na internatski smještaj ima pravo na troškove smještaja i prijevoza od mjesta stanovanja do internatskog smještaja, pod uslovima utvrđenim ovim zakonom“.

Član 7.

Član 27. mijenja se i glasi:

„Troškove internatskog smještaja i prijevoza snosi smještena osoba do visine cijene smještaja i prijevoza.

Ako smještena osoba nema prihoda, odnosno njeni prihodi nisu dovoljni za potpuno snošenje troškova smještaja i prijevoza iz stava 1. ovog člana, troškove smještaja i prijevoza ili njihov dio snose roditelji, usvojitelji ili srodnici koji su po zakonu dužni da je izdržavaju, ako prihodi po članu njihovog domaćinstva prelaze visinu od 30% prosječne plaće, ili druga pravna ili fizička osoba koja je preuzela obavezu izdržavanja smještene osobe .

Ako smještena osoba nema obveznike izdržavanja iz stava 2. ovog člana i prihodi tih osoba ne prelaze visinu od 30% prosječne plaće po članu njihovog domaćinstva, troškove smještaja i prijevoza u cjelosti snosi Ministarstvo.

Visinu učešća osoba iz stava 2. ovog člana u troškovima iz stava 1. ovog člana, utvrđuje centar za socijalni rad, u iznosu koji ne može biti veći od 30% od ukupnog prihoda svih članova domaćinstva.

Troškove internatskog smještaja i prijevoza za djecu sa smetnjama u psihičkom i fizičkom razvoju snosi Ministarstvo“.

Član 8 .

U članu 30. iza riječi:"Federalnim", dodaju se riječi:"i ovim".

U istom članu dodaje se stav 2. koji glasi :

"Prije smještaja osobe u drugu porodicu centar za socijalni rad je obavezan pribaviti saglasnost Ministarstva".

Član 9.

Član 32. mijenja se i glasi:

„Troškove smještaja u drugu porodicu snosi smještena osoba do visine cijene smještaja.

Ako smještena osoba nema prihoda, odnosno njeni prihodi nisu dovoljni za potpuno snošenje troškova smještaja iz stava 1. ovog člana, troškove smještaja ili njihov dio snose roditelji, usvojitelji ili srodnici koji su po zakonu dužni da je izdržavaju, ako prihodi po članu njihovog domaćinstva prelaze visinu od 30% prosječne plaće, ili druga pravna ili fizička osoba koja je preuzela obavezu izdržavanja smještene osobe .

Ako smještena osoba nema obveznike izdržavanja iz stava 2. ovog člana ili njeni obveznici izdržavanja nemaju dovoljno prihoda, a smještena osoba ima imovinu, učestvuje u troškovima smještaja sa svojom imovinom u visini i pod uslovima koje propisuje ministar.

Ako smještena osoba ima imovinu, ali ta imovina nije dovoljna za potpuno učešće u troškovima smještaja, troškove smještaja do punog iznosa snosi Ministarstvo.

Ako smještena osoba nema imovinu ili obveznike izdržavanja iz stava 2. ovog člana i prihodi tih osoba ne prelaze visinu od 30% prosječne plaće po članu njihovog domaćinstva, troškove smještaja u cjelosti snosi Ministarstvo.

Visinu učešća osoba iz stava 2. ovog člana u troškovima iz stava 1. ovog člana, utvrđuje centar za socijalni rad, u iznosu koji ne može biti veći od 30% od ukupnog prihoda svih članova domaćinstva.

Troškove smještaja za djecu bez roditeljskog staranja i za djecu sa smetnjama u psihičkom i fizičkom razvoju u cjelosti snosi Ministarstvo“.

Član 10.

U članu 34. dodaje se novi stav 2. koji glasi:

"Prije smještaja osobeu ustanovu socijalne zaštite centar za socijalni rad je obavezan pribaviti saglasnost Ministarstva".

Član 11.

Član 35. mijenja se i glasi:

„Troškove smještaja u ustanovu socijalne zaštite snose osobe iz člana 32. stav 1. i 2. ovog zakona i na način utvrđen u stavu 3. i 6. istog člana, a Ministarstvo na način utvrđen u stavu 4., 5. i 7. istog člana.“

Član 12.

U članu 38. stav 1. alineja 4. mijenja se i glasi:

„djeca od rođenja do polaska u osnovnu školu, koja nisu osigurana po drugom osnovu“.

Član 13.

Član 41. mijenja se i glasi:

"Ministarstvo donosi rješenje o ispunjavanju uslova za obavljanje djelatnosti socijalne zaštite, zaštite civilnih žrtava rata i zaštite porodice sa djecom za ustanove socijalne zaštite i druga pravna i fizička lica koja mogu obavljati ovu djelatnost u skladu sa članom 3. i 4. Federalnog zakona.

Protiv rješenja Ministarstva nije dopuštena žalba ali se može pokrenuti upravni spor kod nadležnog suda.

Pravilnik kojim se utvrđuju uslovi u pogledu prostora, opreme i kadra za obavljanje djelatnosti socijalne zaštite, zaštite civilnih žrtava rata i zaštite porodice sa djecom donosi ministar“.

Član 14.

Član 42. mijenja se i glasi:

"Kad utvrdi da pravna i fizička lica iz člana 3. i 4. Federalnog zakona ne ispunjavaju zakonom propisane uslove za obavljanje djelatnosti socijalne zaštite, zaštite civilnih žrtava rata i zaštite porodice sa djecom, Ministarstvo određuje rok u kojem su isti dužni otkloniti utvrđene nedostatke.

Ukoliko lica iz stava 1. ovog člana ne otklone nedostatke u utvrđenom roku, Ministarstvo donosi rješenje da ista ne ispunjavaju uslove za početak obavljanja djelatnosti i isto dostavlja nadležnom organu na dalje postupanje".

Član 15.

U članu 44. stav 2. mijenja se i glasi:

„Javnu ustanovu u oblasti socijalne zaštite može osnovati Skupština Kantona i općinsko vijeće samostalno ili sa drugim pravnim i fizičkim licem“.

Iza stava 2. dodaje se novi stav 3. koji glasi:

„Javnu ustanovu u oblasti socijalne zaštite može osnovati crkva i vjerska zajednica, samostalno i sa drugim pravnim i fizičkim licem, kada Skupština Kantona utvrdi da za to postoji javni interes“.

Član 16.

U članu 45. stav 1. riječi: "Ustanove su dužne", zamjenjuje se riječima : " Pravna i fizička lica iz člana 3. i 4. Federalnog zakona su dužna".

Član 17.

U članu 46. stav 1. riječ: "ustanova", zamjenjuje se riječima: " pravnih i fizičkih lica iz člana 3. i 4. Federalnog zakona".

Član 18.

U članu 52. stav 1. alineja 11. iza riječi: "razvija" , dodaje se zarez i riječi : "neposredno organizira, pruža".

Član 19.

U članu 62. stav 2. mijenja se i glasi:

„Domovi i drugi oblici smještaja osiguravaju smještaj i zaštitu lica iz stava 1. ovog člana do završetka redovnog školovanja, a izuzetno i za lica iz stava 1. ovog člana koja se ne nalaze na redovnom školovanju a koji su nakon 18. godine života prestali koristiti usluge smještaja a najduže do dvije godine od dana smještaja, a na prijedlog centra za socijalni rad“.

Iza stava 2. dodaje se novi stav 3. koji glasi:

„Pod redovnim školovanjem podrazumjeva se školovanje u osnovnim, srednjim i višim školama, akademijama ili fakultetima, a najduže do 27. godine života“.

Dosadašnji stavovi 3. i 4. postaju stavovi 4. i 5.

Iza stava 5. dodaje se novi stav 6. koji glasi:

„Troškove smještaja korisnika u domove i druge oblike smještaja za lica iz stava 1. ovog člana, na osnovu zaključenog ugovora između Ministarstva, domova i drugih pružalaca usluga, snosi Ministarstvo“.

Član 20.

Iza člana 64. podnaslov: „21. Nadzor nad stručnim radom ustanova socijalne zaštite“, mijenja se i glasi:

„21. Nadzor nad stručnim radom pravnih i fizičkih lica koji obavljaju djelatnost socijalne zaštite“.

Član 21.

U članu 65. riječi: "ustanova socijalne zaštite", zamjenjuju se riječima : " pravnih i fizičkih lica iz člana 3. i 4. Federalnog zakona".

Član 22.

U članu 67. stav 1. mijenja se i glasi:
„Nadzor vrši komisija koju imenuje ministar.
Stavovi 2. i 3. se brišu.

Član 23.

Član 68. mijenja se i glasi:
„Pravna i fizička lica iz člana 3. i 4. Federalnog zakona, dužna su omogućiti vršenje nadzora u skladu sa zakonom“.

Član 24.

U članu 69. riječi: "ustanova socijalne zaštite", zamjenjuju se riječima: " pravnih i fizičkih lica iz člana 3. i 4. Federalnog zakona".

Član 25.

U članu 71. riječi: "ustanovu socijalne zaštite u kojoj", zamjenjuju se riječima:
„pravna i fizička lica iz člana 3. i 4. Federalnog zakona kod kojih".

Član 26.

Član 72. mijenja se i glasi:

"U roku od 15 dana po isteku roka iz člana 71. ovog zakona pravna i fizička lica iz člana 3. i 4. Federalnog zakona u kojima je nadzor izvršen dužni su da pismeno izvijeste Ministarstvo o izvršenju utvrđenih mjera.

Ukoliko lica iz prethodnog stava ne podnesu izvještaj u roku iz stava 1. ovog člana ili ne izvrše utvrđene mjere, Ministarstvo podnosi zahtjev za pokretanje prekršajnog postupka protiv navedenih lica u skladu sa zakonom“.

Član 27.

U članu 74. stav 1. riječi: "Ustanova socijalne zaštite obavezno organizira i provodi", zamjenjuju se riječima : " Pravna i fizička lica iz člana 3. i 4. Federalnog zakona obavezno organiziraju i provode".

U stavu 2. riječi: "ustanove socijalne zaštite", zamjenjuju se riječima:" pravnih i fizičkih lica iz člana 3. i 4. Federalnog zakona".

Član 28.

U članu 84. stav 2. tačka 2. riječi: „za cijelo vrijeme trajanja nesposobnosti“, zamjenjuju se riječima: „a najduže do navršene 27. godine života“.

Član 29.

U članu 90. stav 4. na kraju teksta briše se tačka, dodaje zarez i riječi: " a u skladu sa rješenjem centra za socijalni rad u sklopu redovnih isplata plaća".

Iza stava 4. dodaju se novi stavovi 5. i 6. koji glase:

„Osobe iz člana 89. ovog zakona obavezne su podnijeti zahtjev za utvrđivanje prava na naknadu plaće i visine te naknade mjesno nadležnom centru za socijalni rad u roku od šest mjeseci od dana stupanja na porodiljsko odsustvo, a najkasnije do isteka porodiljskog odsustva.

Ukoliko osobe iz prethodnog stava ne podnesu zahtjev u roku iz prethodnog stava gube pravo na naknadu plaće“.

Dosadašnji stav 5. postaje stav 7. i isti se mijenja i glasi:

„Pravilnik o načinu, postupku i rokovima za ostvarivanje prava iz člana 89. ovog zakona i načinu obračuna, isplate i povrata naknade plaće iz stava 1. ovog člana donosi ministar“.

Član 30.

U članu 91. stav 2. riječi: „ili zasebno“ se brišu.

Iza stava 3. dodaje se novi stav 4. koji glasi:

"Povrat isplaćenih sredstava na ime naknade umjesto plaće ženi – majci , odnosno ocu djeteta ili usvojitelju ili staratelju u radnom odnosu za vrijeme dok odsustvuje s posla radi trudnoće, porođaja, odnosno njege djeteta, uključujući doprinose iz člana 91. stav 1. ovog Zakona izuzev doprinosa na plaću na teret poslodavca u visini propisanoj odredbama Zakona o doprinosima, vrši Ministarstvo u skladu sa rješenjem o priznavanju prava na naknadu plaće nadležnog centra za socijalni rad i zahtjeva poslodavca za povrat isplaćene naknade plaće uz potrebnu finansijsku dokumentaciju"

Član 31.

Iza člana 108. dodaje se novi član 108.a) koji glasi:

„Centri za socijalni rad će donijeti rješenje o prestanku prava priznatih na osnovu odredaba ovog zakona kada na osnovu službene provjere ili podataka dostavljenih od korisnika prava utvrdi da je korisnik prestao ispunjavati uslove za ostvarivanje prava.

Korisniku prava po ovom zakonu prestaju ta prava napuštanjem Bosne i Hercegovine duže od tri mjeseca, računajući od dana napuštanja Bosne i Hercegovine.

Povratkom u Bosnu i Hercegovinu korisnik prava po ovom zakonu, može podnijeti zahtjev za ponovno uspostavljanje tog prava“.

Član 32.

Član 113. mijenja se i glasi:

„Centar za socijalni rad će povremeno a najmanje jednom godišnje preispitati postojanje činjenica i okolnosti koje su bile odlučujuće za utvrđivanje prava priznatih na osnovu odredaba ovog i Federalnog zakona i donijeti novo rješenje samo ako su se promijenile okolnosti o kojima zavisi ostvarivanje ili obim priznatog prava“.

Član 33.

Član 114. mijenja se i glasi:

„Ministarstvo će, na osnovu ukazane potrebe, vršiti reviziju rješenja o priznatim pravima iz ovog zakona.

U vršenju revizije Ministarstvo stavlja na prvostepeno rješenje zabilježbu da je revizija izvršena i da je rješenje u skladu sa zakonom ili ukida, odnosno poništava i vraća prvostepeno rješenje na ponovno odlučivanje, ako rješenje nije u skladu sa zakonom.

Postupak revizije ne odlaže izvršenje rješenja“.

Član 34.

U članu 115. stav 1. mijenja se i glasi:

"Obračun novčanih pomoći i naknada po ovom zakonu vrši nadležni centar za socijalni rad, a isplatu Ministarstvo na teret Budžeta Kantona".

U istom članu stavovi 2., 3. i 4. se brišu.

Dosadašnji stav 5. postaje stav 2.

Član 35.

U članu 116. iza stava 2. dodaje se novi stav 3. koji glasi:

"Ukoliko su korisniku priznata ili isplaćena primanja na koja nije imao pravo po ovom zakonu ili mu ne pripadaju u tom obimu zbog nezakonito provedenog postupka od strane centra za socijalni rad, a za koja korisnik nije znao ili nije bio dužan znati, povrat tog iznosa u Budžet Kantona obavezan je izvršiti centar za socijalni rad koji je priznao navedena prava".

Član 36.

U članu 121. stav 2. riječi: „ustanova socijalne zaštite“, zamjenjuju se riječima: „pravnih i fizičkih lica iz člana 3. i 4. Federalnog zakona“.

U stavu 3. iza riječi: „mjera“, dodaju se riječi: “ u skladu sa Zakonom o inspekcijama Tuzlanskog kantona“.

Član 37.

Član 122. mijenja se i glasi:

„Novčanom kaznom od 500,00 do 1.000,00 KM kaznit će se za prekršaj pravno lice ako:

- korisniku, protivno odredbama ovog zakona, uskrati ili smanji iznos isplata koje mu pripadaju,
- omogućí isplatu osobi koja na istu nema pravo po ovom zakonu ili joj ne pripada isplata u tom iznosu,
- ne vodi propisanu evidenciju o korisnicima i pruženim uslugama (član 45. stav 1.),
- ne omogućí vršenje nadzora (član 68),
- u roku od 15 dana ne podnese izvještaj o izvršenju utvrđenih mjera (član 72.),
- u roku od 15 dana ne uplati naplaćeni novčani iznos za vrijeme “Dječije nedjelje” (član 104. stav 1.).

Za prekršaj iz stava 1. ovog člana kaznit će se fizičko lice novčanom kaznom od 100,00 do 400,00 KM.

Za prekršaj iz stava 1. ovog člana kaznit će se odgovorno lice u pravnom licu novčanom kaznom od 100,00 do 400,00 KM.

Novčanom kaznom od 100,00 do 400,00 KM kaznit će se za prekršaj odgovorno lice u Ministarstvu ako uplaćena novčana sredstva u Budžetu Kantona, sa pozicije “Dječija nedjelja”, ne raspoređuje u skladu sa članom 105. ovog zakona.

Novčanom kaznom od 100,00 do 400,00 KM kaznit će se za prekršaj korisnik prava ako ne prijavi promjenu koja je od utjecaja na ostvarivanje i obim tog prava, u roku od d 30 dana od dana nastale promjene (član 110.).“

Član 38.

Pravna i fizička lica iz člana 3. i 4. Federalnog zakona dužna su u roku od šest mjeseci od dana stupanja na snagu ovog zakona uskladiti organizaciju, djelatnost, norme stručnog kadra i opće akte sa odredbama ovog zakona i propisa donesenih na osnovu ovog zakona.

Lica iz stava 1. ovog člana dužna su u roku od 30 dana po proteku roka iz stava 1. ovog člana podnijeti zahtjev Ministarstvu za utvrđivanje ispunjavanja općih i posebnih uslova za početak, odnosno nastavak rada i obavljanja djelatnosti".

Član 39.

Centri za socijalni rad će, u roku od šest mjeseci od dana stupanja na snagu ovog zakona, izvršiti usklađivanje rješenja o priznatim pravima sa odredbama ovog zakona.

Član 40.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

B o s n a i H e r c e g o v i n a
Federacija Bosne i Hercegovine
T U Z L A N S K I K A N T O N
Skupština

Predsjednik
Skupštine Tuzlanskog kantona
Senad Alić

Broj:
Tuzla, 2015. godine